



Općinski načelnik

Broj: 01-04-15-3042-8/23
Busovača, 23.08.2023. godine

Općinski načelnik, na osnovu člana 70. stav 1., 3. i 6. i člana 72. stav 3. tačka a) Zakona o javnim nabavkama BiH («Službeni glasnik BiH», broj: 39/14), te člana 38. Statuta Općine Busovača – prečišćeni tekst («Službeni glasnik Općine Busovača», broj: 8/13), u postupku javne nabavke po otvorenom postupku za nabavku radova – Asfaltiranje, rekonstrukcija i sanacija lokalnih puteva, ulica i udarnih rupa – **d o n o s i**

ODLUKU

o dodjeli okvirnog sporazuma drugorangiranom ponuđaču

1. U otvorenom postupku za nabavku radova – Asfaltiranje, rekonstrukcija i sanacija lokalnih puteva, ulica i udarnih rupa dodjeljuje se okvirni sporazum drugorangiranom ponuđaču «ORMAN » d.o.o. Kiseljak, ponuda, broj: 01-04-15-3042-1/23 od 20.07.2023. godine, za ponuđenu cijenu u iznosu od 4.148.323,50 KM bez PDV-a, odnosno u iznosu od 4.853.538,50 KM sa PDV-om.
2. Ponuđač iz tačke 1. ove Odluke je dužan dostaviti potpunu dokumentaciju iz člana 45. Zakona o javnim nabavkama navedene u tački 3.1.3. tenderske dokumentacije otvorenog postupka br., broj: 01-04-15-3042/23 u roku od 10 (deset) dana od dana prijema ove Odluke.
3. U skladu sa članom 98. stav 1. Zakona o javnim nabavkama BiH, ugovor o javnoj nabavci dostavit će se ponuđaču iz tačke 1. ove Odluke po proteku 15 (petnaest) dana od dana dostavljanja Odluke o izboru.
4. Za izvršenje ove Odluke zadužuje se i ovlašćuje Služba za prostorno uređenje, urbanizam i stambene poslove i Služba za finansije i trezor, svako u okviru svojih ovlaštenja.
5. Ova Odluka stupa na snagu danom donošenja i objavit će se na web-stranici Općine Busovača www.opcina-busovaca.com, te istovremeno uputiti ponuđačima koji su učestvovali u postupku javne nabavke, u skladu sa Zakonom o javnim nabavkama.
6. Ovom Odlukom ukida se Odluka o izboru najpovoljnijeg ponuđača i dodjeli okvirnog sporazuma, broj: 01-04-15-3042-7/23 od 08.08.2023. godine.

Obrazloženje

Postupak javne nabavke radova – Asfaltiranje, rekonstrukcija i sanacija lokalnih puteva, ulica i udarnih rupa, pokrenut je Odlukom o pokretanju postupka javne nabavke, broj: 01-04-15-3042/23 od 16.06.2023. godine. U postupku je Tenderska dokumentacija mijenjana na osnovu pitanja koja su potencijalni ponuđači postavljali putem Portala javnih nabavki te su donesene Odluke o izmjeni Tenderske dokumentacije (01-04-15-3042-1/23 od 04.07.2023.g i 01-04-15-3042-2/23 od 10.07.2023.g)

Javna nabavka je provedena putem otvorenog postupka sa namjerom zaključenja okvirnog sporazuma sa jednim ponuđačem na period od dvije godine.

Procijenjena vrijednost javne nabavke bez PDV-a je 4.150.000,00 KM.

Obavještenje o nabavci i tenderska dokumentacija su objavljeni na Portalu javnih nabavki AJN dana 21.06.2023. godine, pod brojem: 1176-1-3-21-3-36/23. Sažetak obavještenja o nabavci objavljen je u Službenom glasniku BiH, broj: 45/23 od 23.06.2023. godine.

Ispravka obavještenja o nabavci i Odluka o izmjeni tenderske dokumentacije objavljeni su na Portalu javnih nabavki AJN dana 04.07.2023.godine, pod brojem: 1176-1-3-21-8-39/23. Sažetak ispravke obavještenja o nabavci objavljen je u Službenom glasniku br: 47/23 od 07.07.2023.

Komisija za javne nabavke dostavila je Općinskom načelniku Zapisnik o ocjeni ponuda broj: 01-04-15-3042-5/23 od 08.08.2023. godine i Preporuku o izboru najpovoljnijeg ponuđača broj: 01-04-15-3042-6/23 od 08.08.2023. godine, u predmetnom postupku javne nabavke. U provedenom postupku utvrđeno je da je Komisija za javne nabavke Općine Busovača blagovremeno i pravilno izvršila otvaranje ponude i ocjenu prispjelih ponuda. O navedenom je sačinjen Zapisnik o ocjeni ponuda, broj: 01-04-15-3042-5/23 od 08.08.2023. godine i Preporuka o izboru najpovoljnijeg ponuđača, broj: 01-04-15-3042-6/23 od 08.08.2023. godine.

U skladu sa naprijed navedenim, donesena je Odluka o izboru najpovoljnijeg ponuđača, broj: 01-04-15-3042-7/23 od 08.08.2023. godine, te je kao najpovoljniji ponuđač, a nakon provedene E-aukcije koja je održana 07.08.2023., izabran ponuđač «STRUKTURA» d.o.o. Jajce za ponuđenu cijenu u iznosu 4.107.303,00 KM KM bez PDV-a, odnosno u iznosu od 4.805.544,50 KM sa PDV-om.

Uvidom u ponudu ponuđača Struktura d.o.o. Jajce utvrđeno je da nisu dostavljeni dokazi iz člana 45. Zakona, iako je ponuđač imao mogućnost iste dostaviti u ponudi.

Izabrani ponuđač «STRUKTURA» d.o.o. Jajce je u Odluci o izboru najpovoljnijeg ponuđača pozvan da dostavi dokumente iz člana 45. Zakona o javnim nabavkama navedene u tački 3.1.3. tenderske dokumentacije u roku od 10 dana od prijema Odluke o izboru.

Tačkom 1.2. Tenderske dokumentacije ugovorni organ je propisao: „Komunikacija, i svaka druga razmjena između ugovornog organa i privrednih subjekata obavljat će se u pisanom obliku, putem poštanske pošiljke, elektronske pošte/e-pošta ili kombinacijom tih sredstava. Korespodencija se može vršiti putem e-maila ukoliko primatelj e-maila potvrdi prijem e-maila, ili je iz njegovog e-maila očito da je isti zaprimio“. Dana 09.08. 2023. godine ovaj Organ je putem e-maila poslao Odluku o izboru br.: 01-04-15-3042-7/23 od 08.08.2023. godine ponuđaču Struktura d.o.o. Jajce. Dana 09.08.2023. godine isti je potvrdio prijem e-maila. Posljednji dan roka za dostavu dokumentacije je 19.08.2023. godine, a koji dan je u ovom organu neradni, te se u skladu s pravilima o računanju rokova u upravnom postupku prenosi na sljedeći radni dan – 21.08.2023.godine.

Kako dokumentacija nije dostavljena do dana donošenja ove Odluke, Ugovorni organ je postupio u skladu sa članom 72. stav 3. tačka a) Zakona o javnim nabavkama kojim je propisano da Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. Zakona.

Slijedom naprijed navedenog odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Općinskom načelniku u roku od deset (10) dana od dana prijema ove Odluke.

Dostaviti:

- 1.Ponuđačima 4x,
- 2.Sl.za finans. i trezor,
- 3.U spis,
- 4.a/a.



OPĆINSKI NAČELNIK
Asim Mekić, dipl.ing